

Deus creet causas secundas in se quidem bonas, diversis tamen viribus instructas, habes explicatam existentiam omnium malorum physicorum utriusque generis, in praecedenti argu-
mento declarati. Mala vero moralia sufficienter declarantur ex libero arbitrio creaturarum rationalium, que cum possint et bene et male uti sua facultate electiva, malum deflectere a regula morum peccando. Stat ergo premissa minor.

Probatur Major quoad primam partem: *In primis non repugnat, Deum creare causas productrices mali physici.* Nam si non repugnat, Deut, immediate ac per se mala hujusmodi inferre, ut modo probavimus, minus repugnabit, ut creet causas alias, que gignere valeant illa. Deinde possiles sunt creature corruptibilis cum suis viribus activis et passivis, de facto enim existunt. Creaturis vero hujusmodi bonum est ita existere secundum propriam cujusque naturam. Ergo et produci. Ergo nec potest repugnare Deo summe bono illas sic producere, quandoquidem magnum illis beneficium conferit, dando existentiam et consentaneas ad agendum virtutes. Qui nec repugnat, ut Deus non impedit effectus naturales mutantur activitatis causarum creaturarum; tum quia mala, que inde consequuntur, sunt per accidens, sicutdem causae illae directe ac per se non intendent nisi bonum, nempe introductionem propriae formae; tum quia quod aliqua illarum causarum in conflicto activitatis contrarie pereant, vel male afficiantur, est consentaneum nature illarum; tum denique quia si eum Deus potuisset nullam causam corruptioni et mali obnoxiam creare, potuit etiam illas producere temporaliter duntaxat duraturas, donec nimis per contrarias causas fortios destruerentur, nam major omnius est beneficium per aliquod tempus, quam nunquam existentiam sortiri. Ergo non repugnat Deum creare causas mali physici productrices. Tertio non repugnat Deum absque ullius injuria id efficere, unde longe major bonum sequatur. Atqui producendo causas creatas cum suis propriis viribus diversis et contrariis, ex quarum actione consequuntur physica mala, Deus longe major bonum elicit, quam si nullas hujusmodi causas crearet, nec ulli facit injuriam. Sane in primis quod nulli facit injuriam sic agendo, constat ex modo dictis, quia nulli rei quidquam debet, sed libere unamquamque creat, et conservat, nec tenetur ulli

largiri plus, quam illius natura postulet. Quod vero multo maior bonum eliciat, probatur, tum quia major bonum est magisque divinam commendat gloriam et bonitatem, quod res create multipliciter agant secundum naturales virtutes, unde novae forme educantur, prioribus pereuntibus, quam si otio tabescant omnia; tum quia non alter conservari possunt in esse praestantiora naturae entia, siquidem nec homo nec animalia nec plantae vivere queunt nisi nutritione, que peragitur multiplici actione, per quam pereant, necesse est, inferiora corpora ad alendum organismum superiorum; itemque corpora nova mixta existere nequeunt nisi ope combinationum vel chimicarum compositionum, in quibus pereunt elementa; tum quia ipsa mala physica summopere juvent hominem ad exercitationem virtutis, unde servient ordinis morali, aciunt diligentiam ejus, docent naturas et proprietates diversorum corporum aperiendo viam novaque augmentatione jugiter afferendo scientiarum studio; tum denique quia mirabilis ordo et perfectio mundana machina ac legum naturalium constantia perpetua postulat actionum passionumque vicissitudinem, que si cessaret, periret quoque magna ex parte pulchritudo mundi.

Probatur Major quoad alteram partem: *Nec repugnat, ut Deus creet causas liberas, que moraliter deficere valeant,* primo quia entia libera bona sunt et longe non liberis praestantiora, utpote spiritualia et intelligentia; deinde, quia quamvis ratione libertatis capacia sint mali moralis, at capacia sunt etiam boni praestantissimi, quale est morale ac supernaturale, situm in actibus salutaribus, unde ex creatione liberi entis majora bona consequi possunt (1); tertio quia

(1) Vide S. Thom., *Contr. Gent.* lib. 3, cap. 73, ubi haec interalia leguntur: *Providentia est multiplicativa honorum in rebus gubernatis, illud ergo, per quod multa bona substrahentur a rebus, non pertinet ad providentiam, si autem voluntatis tolleretur, multa bona substrahentur; tolleretur enim laus virtutis humanae, quia nulla, est si homo liber non agit; tolleretur etiam justitia proximantis et punientis, si non liber homo ageret bonum et malum; cessaret etiam circumspectio consilii, que de his, que in necessitate aguntur, frustra tractarentur. Esset igitur contra providentiam rationem, si substraheretur voluntatis liberas.*

mala moralia vel peccata committuntur a causis liberis, non præcise quod libertate potantur, sed quod libertate velint abuti, cum in singulis momentis, in quibus deficient, possint bene operari, habeantque in promptu auxilia Dei ad culpam cavendam, a qua etiam ipsis Deihortatu, præcepto minisque deterrentur. Quare culpa, quæ ab hujusmodi causis liberis admittitur, nullatenus earum Conditioni potest imputari, sed ipsis solis. Denique

Probatur Major quoad tertiam partem: *Deus non tenetur peccata causarum liberarum impeditre, sed potest permettere.* Nullum enim est attributum vel perfectio, quæ exigat, ut Deus cause liberarum relinquat exercitium aut usum potestatis sue solum ad bene operandum. *Non justitia,* quia Deus nihil debet creature, nec tenetur aliter cum illa agere, quam natura ejus postulat. Si ergo bonum est causam liberarum producere, non tenetur Deus illam libertate in actu secundo privare, sed potest ei libertatis usum permittere. *Non bonitas,* quia bonitas divina non amplius exigit, nisi ut causa libera sufficientibus viribus et praesidiis instructa sit, ut bene agere possit, utendo libertate solum in bonum, ex quo non sequitur, quod debeat præterea potestas ad malum penitus ligari. *Non sanctitas,* quia si Deus præbeat sufficientia praesidia ad vitandum malum, si insuper detestetur illud, ab eoque preceptis atque efficacissimis minis deterreat, peccatum non Deo, sed soli causa libere imputandum est. *Non omnipotens,* quia Deus non tenetur facere omnia quaecumque potest absolute loquendo, multoque minus si adsint rationes conuentissimæ, ut non faciat. *Non dumum sapientia;* nam sapientia divinæ proprium est omnibus causis fines suos præstituere ac media proportionata ad illos assequendos largiri, ac dumum ultimum totius creationis finem in gradu ab ipso intento tandem obtinere, eliciendo ex ipsis malis potentia bona; quæ omnia cumulatissime disponit Deus in causis liberis, nam finis supremus totius creationis est gloria divina, ad quam qualibet creatura debet aspirare pro naturæ sua modo, ideoque libera entia libere; quod ut faciant, Deus his non solum dedit vires physicas et auxilia convenientias, sed omnia præterea praesidia moralia legum, consiliorum, minarum, exemplorum, etc., per quæ qui bene operari velint,

Deum glorificant in hac vita exercitatione virtutum, in qua et penitentia peccatorum sepiissime, semper vero misericordia divina reluet; ac postea in altera vita consummatur opus glorificationis Dei per intimam cum illo conjunctionem in æternâ beatitudine, qua perfectissimam importat cognitionem atque amorem essentie divinæ. Qui vero nolint bene operari, nec libere glorificare Deum in hac vita, glorificare tenebuntur in inferis manifestando et experiencingo in seipsis majestatem infinite justitie ac sanctitatis divinae (1). Ergo nec mali moralis existentia requirit primi alicujus principii mali existentiam.

Dices. Deus si potest, debet impeditre mala moralia. At qui potest. Ergo debet. **Probatur. Major:** a) quia cum finis omnium operum divinorum ad extra sit gloria Dei, debet ipse providere, ne illa immunitur, per peccatum vero multum immunitur gloria Dei in mundo. b) Quivis homo perpetratageret, si cum posset impeditre peccata, non vellet impeditre, sed tantum permetteret, ut fiant. Ergo idem dicendum est de Deo.

Respondeo neg. Major. Ad cujus probationem a) dist. primam partem asserti. Finis omnium operum divinorum ad extra est gloria Dei obtinenda in perfectissimo gradu possibili, neg.; in gradu, qui Deo ipsi pro sua infinita sapientia placuerit, conc. Postremam quoque partem probationis dist.: per peccatum immunitur gloria Dei, ita ut sæpe peccatum sit occasio longe majoris glorie, conc.; aliter, subdisting.: per peccatum immunitur gloria Dei, ita ut obtineatur minor gradus glorie, quam a Deo intentus, neg.; ita ut semper obtineatur gradus glorie ab ipso Deo libere præfixus, conc.

Ad probation. b) transeat antecedens, neg. conseq. Verum quidem est, quod in *Cosmologia* demonstravimus, finem operum divinorum ad extra esse gloriam Dei extrinsecam (2); sed non est minus verum, Deum esse dominum absolutum gloria sue extrinsecæ, quia non tenetur ad optimum (3). Et sicut libere potuit renuntiare omni extrinsecæ glorie sue, non

(1) Cfr. *Cosmolog.* num. 91, pag. 317 seqq.; num. 94, pag. 329 seqq.; num. 96, pag. 336 seqq.

(2) *Cosmolog.* loc. sup. cit.

(3) *Cosmolog.* num. 28, pag. 71 seqq.

creando mundum; ita libere potuit eligere gradum glorie, permittendo hunc vel alium numerum peccatorum, vel nullum, et approbando haec vel illa opera bona, hunc vel alium prædestinatur ac reproborum numerum secundum prævisa eorum merita comparata per misericordiam divinam ex auxiliis gratiae voluntatisque proprie cooperatione, vel peccata commissa ex libera determinatione rebellis creature. Ergo quod peccatum imminuat de gloria divina, non est ratio sufficiens, ut Deus illud nequeat permittere. Accedit, quod, ut legimus in annalibus ecclesiasticis, peccata saepenumero fuere occasio ingentis glorie divinae: sic in persecutionibus atque iniquis vexationibus, quas passi sunt christiani, sole meridiani clarius resulserunt gloriosa certamina victoriæ martyrum et heroicæ virtutes confessorum; nec raro ante actæ vita criminis multis stupendæ penitentia sensa ingresserunt animo, viamque straverunt ad altissimum perfectionis gradum condescendi. Verum nihil valeant cetera, sola Verbi divini Incarnatio et Redemptio, quam Fide divina certissime credimus, cuique occasionem attulit peccatum, majus bonum est, multoque maiorem Deo gloriam attulit, quam detrahere queant omnia possibilia hominum peccata. Quapropter divinitus edocta canit Ecclesia: *O felix culpa, qua talem ac tantum meruit habere Redemptorem.*

Quod vero homo perperam ageret, non vitando, quantum in se est, peccata contra Deum, nihil est; primo, quia quavis debeat quivis homo sua propria peccata cavere, non tamen semper et universaliter aliena, præsertim si sit provisor et rector communis; quandoquidem fieri potest, ut conatus impediendi aliorum peccata sit interdum injurias, inutiles et perniciosas, quia nimur non est omnino possibile illa vitare, vel non sine injurya vel etiam sine majoribus incommodis ac peccatis. Quapropter *transmisi* antecedens alterius probationis (3). Verum quidquid de hoc sit, paritas nulla intercedit inter Deum et homines, quia Deus est dominus glorie sue extrinsecæ, homo vero non, ideoque non potest mensurare ex sua libera voluntate gradum glorie Deo tribuenda. Unde etiamsi homo semper et ubique teneretur cavere immutationem glorie divinae per peccata, non sequitur, quod Deus quoque teneatur.

115. Objicies 1.^o Docente Christo Domino, *non potest arbor bona malos fructus facere* (1). Ergo impossibile est, ut mala a bona causa procedant, ideoque malorum omnium primum aliquod principium malum agnosendum est.—Respondeo, *dist.* antec. Arbor bona, id est voluntas recta, prout interpretatur S. Augustinus (2), non potest malos fructus facere, *concl.*; causa generativæ in se bona, *neg.*, ut abunde patet ex dictis.

Instabis. Contrariorum eadem est ratio. Atqui bonum et malum sunt contraria. Ergo sicut bonum non est nisi a bono, ita nec malum nisi a malo. Præterea unum contrarium non potest causare alterum. Ergo nec bonum potest producere malum.

Respondeo, ad 1.^{um} *disting.* Contrariorum eadem est ratio, nempe scientia, quatenus ad eamdem scientiam pertinet eorum tractatio, *concl.*; quatenus eadem prædicta utriusque convenient, *neg.*

Et *contradistinctio Minore, nego conseq.* Malum purum et absolutum non datur, sed malum necessario est in bono tamquam in subiecto, nec produci potest, nisi per virtutem aliquam realis actio vel effectus causeatur. Cum ergo et actio et virtus, per quam aliiquid efficitor, ac subiectum illius sit necessario entitas aliqua physica, ideoque bonum quoddam, impossibile est, ut malum producatur nisi a bono.

Ad 2.^{um} *etiam disting.* antec.: unum contrariorum non potest causare alterum per se, *concl.*; per accidens, *nego*. Resque satis declarata est in probationibus, quantum attinet modum, quo malum a bono produci potest (3).

Objic, 2.^o Effectus necessario præ se fert similitudinem causæ, quia omne agens agit sibi simile. Sed malus effectus non præ se fert similitudinem boni. Ergo... Et confirmatur, quia effectus præexistit in causa; malum autem non potest præexistere in bono, secus enim bonum fore malum.

(1) *Matt.* cap. 7, vers. 18.

(2) *Contr. Julian.* lib. 1, cap. 9 circa fin.

(3) Cfr. S. Thom. 1 p. quest. 49, art. 1, ad 2.^{um}; *de malo*, quest. 1, art. 3, ad 4.^{um}.

Respondeo, dist. Major. Effectus per se intentus a causa, *conc.*; effectus per accidens consequens, *neg.* Et ad confirmationem similis esto responsio. Effectus non semper est in causa formaliter, sed potest etiam virtualiter. Virtualiter autem potest esse malum in bono sive propter robustam hujus virtutem, quæ dum agit ad introducendam suam formam ac similitudinem in subiecto, privat illud precedentem formam, sive etiam propter debilitatem atque imperfectionem virtutis, unde defectuosa existit operatio, quemadmodum jam declaratum est.

Objic. 3.^o Sicut in rebus inventur bonum et melius, ita etiam inventur malum et pejus. Sed bonum et melius dicuntur per ordinem ad unum summum bonum, Ergo et malum et pejus dici debent per ordinem ad summum aliquid malum, quod proinde extitit.

Respondeo, neg. consec., quia est disparitas inter bonum et malum; bonum enim est tale propter perfectionem et formam positivam, malum vero propter privationem perfectionis debite (1). Jam formæ ac privationes magis intenduntur opposito modo, nempe formæ per accessum ad summum privationes vero per recessum a forma positiva, cuius carentiam important. Ergo quamvis bonum dicatur majus per majorem accessum ad summum aliquid bonum, malum non dicitur majus per accessum ad bonum, sed per majorem a bono recessum (2). Adde, quod repugnat in terminis summum malum, ut jam diximus in probationibus, summum autem bonum necessario existit, nedum repugnet.

Objic. 4.^o «Omne, quod est per participationem, reducitur ad illud, quod est per essentiam. Sed res, quæ sunt male apud nos, non sunt mala per essentiam, sed per participationem. Ergo est inventire aliquod summum malum, quod est causa omnis mali».

Respondeo, dist. Major. Omne ens positivum, quod est per participationem, reducitur ad illud, quod est per essentiam, *conc.*; omne quod non est positivum, sed tantum privans perfectione debita, *neg.* Et concessa Minore, *neg.* consec-

(1) Vide *Ontolog.* num. 147, pag. 437.

(2) Vide S. Thom., i p., quest. 49, art. 3, ad 3.^{um}

Nullum enim ens dicitur malum per participationem, sed per privationem participationis. Unde non oportet fieri reductionem ad aliquid, quod sit per essentiam malum (1).—Sed veniamus ad argumenta quæ Petrus Bayle proposuit in favorem dualismi (2).

Objic. 5.^o Si solum daretur primum principium, explicari non posset, quonodo Deus infinite bonus et sanctus, cum potuerit hominem creare felicem, creaverit tot incommodis morborum, frigoris et caloris aliisque ærumnis hujus misere vite obnoxium, quodque pejus est, concupiscentia stimulis ad peccata et omnis generis sclera propensissimum (3).

Respondeo, neg. assert. Mala enim, quæ homo patitur, vel sunt physica seu naturæ vel moralia. Et quod attinet physica mala, non repugnat, Deum summe bonum, iis obnoxium facisse hominem, quia, ut constat ex probationibus, non est intrinsece repugnans nec malus in se mundus constans corruptibilis et incorruptibilis entibus, que cum sint virtutibus contrariis prædicta, invicem agendo causabunt naturaliter etiam morbos et incommoda diversi generis in organismo humano. Deus vero, quamvis sit summe bonus, non debuit vel alium ordinem causarum mundanarum eligere, vel hunc corrigerre, ne homo quidpiam pati debeat, tum quia non tenetur ad optimum nec ad commodissimam homini vitam procurandam; tum quia de facto Deus hominem impassibilem atque immortalem fecit, postea vero iisdem alisque gratuitis donis ob peccatum origine, quo nascimur omnes infecti, justissime punivit; tum quia seps homines in hac vita peccant, ideoque etiam ab hoc solum mereri possunt, ut Deus in justam poenam atque emendationem mala et incommoda temporalia non avertat (4); tum quia incommoda

(1) S. Thom., i p., quest. 49, art. 3, ad 4.^{um}, in quo articulo vide quasdam alias objections dissolutas. Cfr. etiam *Ontolog.* num. 173, pag. 500 seqq., ubi quedam alia argumentsolvuntur.

(2) Vide Bayle in suo *Dictionario*, artic. *Manichæus, Paulicæns, Origen, Macionites*.

(3) Hoc argumentum, non est a Petro Bayle inventum, quippe quod dumquid sibi objicerat, solveratque S. Thomas, i. p. quest. 42, art. 2, argum. 3; *de verit.*, quest. 5, art. 4, arg. 1.

(4) *Quonodo absurdum non fuerit, inquit Theodoretus, litteratorem quidem, qui ad tenus fueros cedit, et ferula ignoravit torporem*

ejusmodi maximopere servint, ut avocent hominis animum ab amore terrenarum deliciarum, et ad cœlestia convertant (1); tum denique quia miseria hujus vita apertissime conveniunt loco palæstræ ac tempori certaminis, in quo debet homo exercitatione virtutum æternum gloriæ pondus in celis recipiendum promereri (2). Quare verissime scripsit S. Basilus, malæ physica hujus mundi bona potius esse dicenda, utope quæ ad nostram utilitatem irrogantur (3).

Mala vero moralia Deus nullatenus causat, quamvis sit creator hominis, quia illa non sequuntur necessario ex natura humana, sed ex libera electione voluntatis, ut jam explicatum reliquim in probationibus. Concupiscentia denique ac propensio in malum, quamvis sequatur ex natura hominis, in primis vitari potuit ab eo, ac debuit secundum primam Dei creantis intentionem. Nam ut ex catholica doctrina novimus, homo immunis a concupiscentia ex gratioso dono conditus est, eamque felicitatem peccato amisit. Nunquam tamen concupiscentie fluctibus ita agitat, ut non habeat in promptu præsidia divini auxillii ad resistendum, quibus si libere uti nolit ad victorianam de periculissimo hoste reportandam, id non Deo est imputandum, sed ipsi homini vitio vertendum.

Instabis cum eodem Baylio 1.^o. Propensio hec in malum est maximus periculosissimus defectus, quo natura

excutiens, loris firmam litterarum memoriam infigit, collaudare, et medico gratias agere, non modo cum cibum potumque laboranti præbel, verum etiam cum secal, urit, et morbo sese hostiliter opponit, ne illi auctus ulterius serp, prohibens: Deum vero, qui longe uberiori sapientia, et diligentiori cura animalium salutis prospicit, et hominum largitione flagrorumque metu virtutis elementa nos edocet, ac malitiae morbum radicis evellit, solidamque animæ salutem operatur, blasphemis ac convicis proscindere? (Sermon. 5. de provident., fin.). Cfr. Ambros. (Serm. 10 in Psalm. 118 vers. 1.), Tertull. (Contra Marcion. lib. 2, cap. 12 seqq.), Clem. Alexandr. (Pædagog., lib. 1, cap. 8), Origen. (In Hierem. homil. 9), S. Chrysost. (homil. 7, ad populum). Vide P. Theophil. Raynaud. (Theolog. natur., dist. 7, quæst. 3, art. 5, num. 159).

(1) Cfr. Theophil. Raynaud. loc. nup. cit., num. 160.

(2) Vide S. Thom., 1 p. quæst. 49, art. 1. Cfr. Theophil. Raynaud., Theolog. natural., dist. 7, quæst. 3, art. 5, num. 159.

(3) S. Basil., homil. Quod Deus non est auctor malorum.

humana determinata quodammodo videtur ad peccatum. 2.^o Deinde libertas ipsa, quamvis in se ipsa sit magna perfectio, homini tamen illa abutenti cedit in maiorem perniciem ac ruinam. Quare Deus, optimus et sanctissimus, non debuisse illam concedere homini, quem prævidebat abusurum ea fore cum tanto hujus damno et cum summo ipsius quoque Dei dedecore atque offensa. 3.^o Vel certe debuisse, quoniam poterat, iis infirmum et fragilis hominem munire gratiæ præsidis, quibus de facto omnis in culpam lapsus caveretur, nam facultas peccandi est magnum naturæ vitium. 4.^o Certe ea menti nostræ insidet summae bonitatis opinio, ut capere nequeamus, quo pacto non avertat a præstantissima mundi visibili natura omnia mala, potissimum moralia, æternaque in inferis supplicia, sortibus præparata.

Respondeo ad 1.^{um} disting. assertum. Propensio ad malum est periculissimus defectus, naturalis tamen, ideoque de se non peccaminosus, nec necessario inducens peccatum, sed tantum ex libera voluntatis electione, cui præsto adsunt divinitus præparata præsidia ad coercendam vitiosam naturæ inclinationem, *conc.*; aliter, *neg.* Unde nullatenus dici potest Deus ad peccatum determinare, quamvis dederit naturam ex concupiscentiæ stimulus pronam ad malum, sed sola voluntas est causa determinans, quia cedere mavult illecebre, quam obdire precepto Dei, cumque ejus auxilio sese in officio continere.

Respondeo ad 2.^{um} distinguo iterum assertum: libertas cedit in maiorem ruinam et perniciem hominis ex sola ipsius culpa, *conc.*; ex culpa Dei, *neg.*, et *neg.* pariter conseq. Libertas est insigne donum, quo bene utens homo agat honeste, summamque promovere felicitatem, quare ob præsumum malum ejusdem usum, qui homini soli imputandus est, quamvis exinde sequatur æterna perniciens, non tenetur Deus a donis suis conferendis abstinerre. Dedecus vero consequens ex peccato atque æterna hominis damnatione nullatenus tangit Deum, tum quia illud cadit totum in ipsum hominem; tum quia Deus ad illud reparandum habet decretas penas inferorum, ut qui noluit libere infinitam bonitatem misericordiamque recte agendo confiteri, cogatur patiendo justissimam vindictam prædicere.

Respondeo ad 3.^{um}, negando assertum. Deus enim non tenetur ad quidquam concedendum, quod natura hominis et conditio non exposcit: liber est homo ita ut, positis omnibus ad agendum prærequisitis, possit vere agere, si vult, et possit etiam non agere. Deus ergo tenetur completere quidquid ad se pertinet, largiendo auxilia omnia prærequisita, ut homo vere possit resistere contraria ad peccatum alicientibus, et agere honeste, ita ut si de facto non ita se gerat, non sit ex defectu eorum, quæ ex parte Dei requirebantur ad actum secundum honestum, sed ex eo solum, quod noluit homo suis viribus, que prestat aderant sufficietes, uti. Et sepe etiam Deus, quæ sua est infinita benignitas, largitur non solum quæ requiruntur, et sufficiunt, ut homo vere possit honeste operari, sed longe etiam copiosiora, quibus prævidet illum de facto bene operaturum esse; id tamen non facit ex obligatione, verum ex mera liberalitate, in qua possunt infiniti gradus distingui. Ceterum facultas peccandi simul cum facultate cavendi peccatum et bene operandi, prout reperitur generativum in homine, non est proprie loquendo vitium naturæ, sed est ipsa homini libertas, quam præstantissimum nature bonum dicit Sanctissimus Dominus noster Leo XIII (1), quamvis præstantius profecto Deus homini concessisset dominum, si eam providisset boni malique potestatem, que de facto nunquam malum ageret.

Respondeo ad 4.^{um}, disting. assertum. Et idea hujusmodi, quam deo fingunt multi, procedit ex philautia vel amore sui inordinataque suavioris vita cupiditate, conc.; procedit ex recta ratione, nego. Etenim inique agit homo exposcendo a Deo aliquid, quod Deus concedere non tenetur. Deus enim creavit hominem, et ad æternam beatitudinem destinavit, assequendam tamen, non vivendo prout homini liberatur, sed prout ex ipso rationis præscripto oportet, servando moralem ordinem, et obediendo divine legi: quod est procul dubio ingens beneficium nobis a Deo collatum. Ad hunc porro finem assequendum Deus tenetur quidquid vere sufficit homini concedere, quia secus homo sine culpa ex naturali impotencia fine suo frustraretur; verum nequit Deus

(1) In encycl. *Libertas*.

injustitiae argui, si quando ampliora præsidia, quam quæ vere sufficiunt, deneget, quia illa reapse non requiruntur absolute ut homo finem assequi valeat. Talis ergo est idea Dei, quam recta ratio dictat, nec unquam probabit Petrus Bayle tam illam esse, qualem vellet libertini, nempe entis, quod omnino debet homini et in hac et in altera vita summan procurare beatitudinem, in hac videlicet sinendo illum omnibus frui commodis ac voluntatis, vel certe ab omni ærumpa et labore liberando in exercitatione virtutis, in altera vero absolutum ab omni noxa, æternis cumulando cælorum deliciis.

Objec. 6.^o Deus non potest hominem condere, quem sit propensissimum esse ad peccandum, ac porro peccatum esse, quamvis posset ex ipso peccato permiso gloriam suam elicere. Ergo teneretur omnino malum morale impedire. Prob. anteced. a) quia indignum Deo summe bono est, gloriam suam querere cum tanto creature rationalis detrimento, quale est ipsum peccatum et supplicium æternum. b) Eamdem, immo longe maiorem, gloriam obtineret Deus immunes servando cunctos homines ab omni peccato, atque æterna beatitudine remunerando. γ) Deus, hominem liberum condendo cum prævisione futuri de facto peccati, videtur auctor hujus reapse dicendus esse non minus, quam foret complex necis filii, pater qui dedisset illiensem cum prævisione, immo et cum sola probabilitate, mali usus, vel mater, quia filiam ad chores duceret, ex quibus vel suspicari potuissest filie seductionem.

Respondeo, neg. anteced. Probationem a) distinguo. Si Deus quereret gloriam suam, permittingo peccatum tamquam medium assumptum ex intentione talis finis, conc.; si Deus, supposito quod futurum est ex culpa solius hominis peccatum, quod nullatenus vellet ipse, sed detestatur, et prohibet etiam sub intermissione gravissima poenae, atque ad vitandum sufficientissima media præbet, ordinat illud ad gloriam suam, hoc bonum ex malo pro sua infinita sapientia eliciendo, neg.

Ad probationem β) respondeo, transmiso antecedente, negando penitus conseq. Jam notavimus in probationibus, Deum saltem sepe occasione peccatorum majora bona majora remque gloriam suam obtinuisse ostensione misericordi

suæ. Verum nolo disputare, utro modo Deus majorem gloriam esset assecuturus, impediendo ne penitus omne peccatum, an permittendo multa. Non enim Deus tenetur maximam semper gloriam in mundanis eventibus querere; sed liberrimus est in eligendo gradu gloriae, qui sibi pro infinita sua sapientia magis placuerit.

Ad probationem ⁷) neg. assertum et paritatem exemplorum. Hoc enim interest inter provisorem particulariem et universalem, quod provisor particularis excludit defectum ab eo, quod ejus cura subditur, quantum potest, sed provisor universalis permittit aliquem defectum in aliquo particulari accidere, ne impeditiar bonum totius. Unde corruptiones et defectus in rebus naturalibus dicuntur esse contra naturam particularem; sed tamen sunt de intentione naturæ universalis, in quantum defectus unius cedit in bonum alterius, vel etiam totius universi. Nam corruptio unius est generatio alterius, per quam species conservatur. Cum igitur Deus sit universalis provisor totius entis, ad ipsius providentiam pertinet, ut permittat quosdam defectus esse in aliquibus particularibus rebus, ne impeditiar bonum universi perfectum. Si enim omnia mala impeditantur, multa bona deessent universo. Non enim esset vita leonis, si non esset occisio animalium; nec esset patientia martyrum, si non esset persecutio tyrannorum. Unde dicit Augustinus (*Enchir. cap. 11*): *Deus omnipotens nullo modo sineret malum aliquod esse in operibus suis, nisi usque adeo esset omnipotens et bonus, ut bene faceret etiam de malo* (1).

Objic. 7.^o cum Epicuro. *Deus aut vult tollere malum, et non potest; aut potest, et non vult; aut neque vult, neque potest; aut et vult, et potest. Si vult, et non potest, imbecillus est: quod in Deum non cadit. Si potest, et non vult, invidus: quod æque alienum a Deo. Si neque vult, neque potest, invidus, et imbecillus est, ideoque neque Deus. Si vult, et potest, quod solum Deo convenit, unde ergo sunt mala? aut cur illa non tollit?* (2).

Respondeo, conc., et eligo alterum membrum, nempe Deus potest, sed non vult mala tollere, quin tamen exinde sequatur Deum invidum esse, quia nemo dici potest invidus

(1) S. Thom. 1 p. quest. 22, art. 2, ad 2.^{am}

(2) Apud Lactantium, *De ira Dei*, cap. 13.

ex eo solum, quod nolit facere id, ad quod nullatenus tenetur. Non teneri autem, abunde probatum est. Cæterum argumentum Epicuri, quo Bayle uititur, potest adversus eundem Baylum ceterosque dualistas in hunc modum urgeri. Principium summe bonum, Deus, aut potuit, et noluit, impedire, ne male induceret principium summa malum, vel voluit quidem, sed non potuit. Si primum dicat, ipse Deus auctor esset malorum, quia teneretur prorsus illa, secundum doctrinam istius calumniatoris, impide; si autem secundum eligat, Deus non esset omnipotens (1).

Objic. 8.^o Si unum est principium primum omnium, debet illud concurrere etiam ad actus morales malos hominis. Atqui hoc fieri nequit, quin ipsum principium simul cum homine peccet. Ergo necesse est aliud principium primum summe malum agnosceri, quod homini potestatem ad actus peccaminosus dederit, et ad eosdem cum illo concurrat. — Respondeo, neg. Minorem, cuius rei ratio suo loco reddetur (2).

Verum hæc magis clarescent ex dicendis circa providentiam divinam et voluntatem malorum. Interea hoc probe notatum velim, absurditatem primi principii mali, unde mala omnia profluant, evidenter probari. Hinc vero eadem evidencia sequitur, existentiam mali moralis, etiamsi possit a Deo impeditri, nullatenus repugnare, atque adeo esse procul dubio rationes sapientissimas, ob quas peccatum a summe bono principio permitti possit, sive hujusmodi rationes innotescere nobis queant, sive non (3).

(1) Cfr. Tertullian. *Contra Hermogenem*, cap. 10.

(2) Vide infra, ubi de concurso divino ad actus malos.

(3) Vide Roselli (*Summ. philos.* tom. 5, quest. 15, art. 3, num. 702 seqq. et num. 716 seqq.), Perrone (*De Deo*, part. 1, cap. 2, num. 154 seqq.), apud quos plura videri queunt.